

玄覽堂叢書續集

第八十八冊

玄覽堂藏書續集

卷八十八

須曲躬而行經數里許乃得虛曠之境四隅皆良田
 沃壤宜播植唯青鶴棲息其中故以名焉蓋古之適
 世者所居顏垣壞塹猶在焉耳山在全羅道鎮安
 縣南柒里有一石山雙峰聳立名曰湧出峰東曰父
 西曰母相對如削成高可千仞其頂樹木森鬱四面
 峻絕人不能升惟母峰北崖可升謠傳東峰上有小
 池西峰頂平潤有泉可避寇天旱禱雨有應新羅稱
 西多山載小紀

已上俱屬全羅道

急考山在黃海道平山府北叁拾里 慈悲嶺在黃

海道瑞興府西陸拾里一名呂嶺在成佛嶺之北元

時畫此界関口石堆猶存至本朝始盡以畀之自平

壤通京都舊路也多虎害路遂廢今由棘城路以行

龍潭在黃海道遂安郡有巖如口噴出清泉冬不

冰旱不竭雨亦不溢 聖居山在黃海道牛峰縣與

天磨山相連一名九龍山又名平邳山上有五峯各

有小菴又有聖骨將軍祠山間有大興洞及朴淵狀

若石甕怒瀑下垂可拾餘丈宛如白虹映空聲震天

地 九月山在黃海道做縣西拾里即阿斯達山一名弓忽一名甌山一名三危世傳檀君初都平壤後又移白岳即此山也至周武王封箕子於朝鮮檀君乃移於唐藏京後還隱此山化為神 白沙汀在黃海道長淵縣西伍拾里長柴捌里廣叁肆里南有蓮池北有勝仙峰頭有莎草三面濱海白沙平鋪隨風流轉堆積成岬稚松海棠紅紫相映

已上俱屬黃海道

五臺山在江原道江陵府西壹百肆拾里東滿月南

麒麟西長嶺北象王中智爐五峯環列大小均數故名
鳴沙在杆城郡南拾捌里沿海沙平皓若雪色
人馬行則觸之有聲錚錚如金磬響大抵嶺東皆然
浦口山在江原道高城郡東九里高城浦有巖斗
起層疊如階其上可坐百餘人東望海中伍里許有
石峰如列屏又有貳石相對如人偶語石皆白色輝
映碧海望之如畫 寒溪山在江原道麟蹄縣東伍
拾里山上有城有川自城中流出即成瀑布懸流數
百尺望之如白虹垂天自圓通驛而東左右皆大山

溪水縱橫而渡者叁拾陸樹木如簣上練雲霄松栢
尤高不見其巔又其南峰高千仞奇恠莫狀禽鳥不
能飛度形勝甲於嶺西 金剛山在江原道淮陽府
東臺百六拾柒里山名五一曰金剛二曰皆骨三曰
涅槃四曰楓嶽五曰忞恒白頭山南條也自會寧府
之弓羅漢峴至甲山東為頭里山永興西北為劔山
府之西南為分水嶺西北為鐵嶺通川西南為湫池
嶺至長楊之東高城之西為此山自分水嶺至此已
捌百叁拾餘里山凡壹萬貳千峯巘數骨立東臨滄

海杉檜參天望如畫圖有日出月出戴峰可見日月
之出內外山共有壹百捌寺表訓止陽長安摩訶衍
普德窟榆岵最為名刹云山中有萬瀑洞有五人峰
有觀音潭有手中崖怒瀑飛珠散雪噴薄而下其大
者凡拾貳層其小者不可勝計故曰萬瀑洞其下曰
珠淵一石形如龜伏潭中曰龜潭一潭深不可測曰
火龍潭其上有峰曰獅子巖洞有普德窟鑿絕壁架
板立銅柱於外以構小屋三楹於其上名曰觀音閣
拘以鐵鎖釘于巖石浮在空中人登則搖中置佛函

飾以珠玉外施鐵網以防手摸

已上俱屬江原道

國島在安邊府東陸拾里島去岸拾里許入自西南
隅水際白沙如練其下平地五陸畝形若半壁中有
屋基浮圖者所居也其上山園若缺勢不甚高視之
一土坡也舟以西其崖石方直櫛比而壁立行數百
步其崖高可數百尺其石白滑方直長短若一皆井
井離立每一條其頂各戴一小石若華表柱頭者有
一小窟撐舟而入漸窄不能容舟視其窟深不可測

其左右束立之石若一一鉅而斷之者下稍平易其
圓石排列者可坐千人遊觀者憩息於此東南又行
數百步崖石作方鐵網盛水磨小圓石長五拾陸尺
人謂鐵網石造物奇恠難以言彈 磨雲嶺 磨天
嶺俱在咸鏡道端川郡以其高峻勢入雲天故名東
北雄關 白山在咸鏡道鏡城府西壹百拾里山勢
甚峻五月雪始消七月復有雪山頂樹木矮小土人
亦謂之長白 白頭山在咸鏡道會寧府西七八日
程山凡叁層高貳百里橫亘千里其巔有潭周捌百

里南流為鴨綠江北流為松花江為混同江東北流
為蘇下江為速平江東流為豆滿江大明一統志東
流為阿也苦河疑指速平江也

已上俱屬咸鏡道

錦繡山在平安道平壤府北伍里鎮山山下有高巖
長樂宮基及牡丹鋒 土山一名九龍山一名魯陽
山在錦繡山北貳拾里山頂有九拾九池 德巖在
平壤府大同門外屹然能捍水故府人德之而名
酒巖在平壤府東北拾里諺傳酒流出巖間遺痕尚

存 綾羅島周拾貳里在白銀灘北 鳳德山在平安道安州東貳拾里山頂有九層鐵浮屠 堂於嶺在平安道定州西拾伍里鄭山郡界 西門嶺在平安道嘉山郡西貳里俗名石門嶺 鳳頭山在嘉山郡西北壹里即嘉山郡鎮山也自鴨綠江東行惟嘉山嶺最高其巔拾里曰曉星山曰望海皆使節所經處 白馬山在平安道義州南叁拾里諺傳白龍馬出遊故名 悟道山在平安道安州 龍骨山一名龍虎山在平安道龍川郡東捌里鎮山西臨大海北

望鴨綠江外松鶻諸山如在几案之下 龍巖在龍
 川郡西肆拾伍里潮水往來巖上有龍爪痕 劍山
 在平安道宣川郡西貳拾里峰巒嵯峨如劍芒 凌
 漢山在平安道郭山郡東北柒里鎮山大明一統志
 作熊花山 妙香山在平安道寧邊府東壹百叁拾
 里一名大伯山山之大莫之與比地多香木冬青仙
 人舊迹 劍鶴山在平安道成川府東捌里鎮山左
 右絕壁如劍如鶴 檜山在成川府北柒拾里石壁
 周叁拾里中有赤墳平衍巨川橫流其下天作之城

可容千兵 紇骨山在城川府西北貳里有攢峰拾
貳比之巫山拾貳峯 狄踰嶺在平安道江界府南
貳百陸拾玖里熙川郡界即咸鏡道鏡城府白山而
麓西北雄關

已上俱屬平安道

柳峴在長湍府榛峴西貳里 沙峴在京畿道楊州

慕華館西北

已上俱屬京畿道

箭門峴在義州東拾伍里 加豆等峴在義州東伍

拾里 麻屹峴在鐵山郡北叁拾伍里有廢城即古
鐵州城也 栢峴在宣川郡西陸拾里 小國司峴

在宣川郡五木院西壹名上山 大國司峴在宣川

郡五木院東 松峴在郭山郡林畔館東 白峴在

定州東五里撻川東 柰峴在安州雲巖院西 馬

駒峴在中和郡南拾伍里即平安道地界止此東屬

黃海道西屬平安道

已上俱屬平安道

龍山江在都城西南拾里慶尚江原忠清京畿上流

漕轉皆集於此商船賈舶往來不絕 西江在都城
西拾伍里黃海全羅忠清京畿下流漕轉所集數里
至楊花渡各道餽餉堆聚之處倉廩層積 禮成江
在開城府西叁拾里高麗朝宋皆於此發船故謂之
禮成江居西山間東以石峽臨激而下號急水門最
為險惡 碧瀾渡在開城西叁拾陸里宋史自急水
門又叁日抵岸有館曰碧瀾亭由此登陸崎嶇肆拾
餘里乃其國都者是也今稱息波亭 驪江即漢江
上流在京畿驪州客館北 臨津渡在長湍府南叁

拾柒里其源出咸鏡道安邊府界 孔巖津一名北
浦在京畿陽川有巖立水中有竇因以為名即高麗
恭愍王時兄弟投金處 板積川在長湍府南貳拾
里源出松林縣流入沙川達于海 黎川在坡州北
拾里源出府北木嶺洞入長浦 德水川在高陽郡
東拾里源出清溪洞流入北浦川

已上俱屬京畿道

于筒水在江原道五臺山西臺之下有泉湧出即漢
水之源 昭陽江在江原道春川府北陸里源出麟